




詩序

寶菴集



寶菴集卷之六

吳郡顧紹芳實甫著

七言律詩

秋日山亭喜伯中見過

庭前蕭瑟見秋歸。獨上高樓望翠微。雲際素蟾
窺樹小。水邊紅葉帶螢稀。深山是處堪開徑。窮
巷無人任掩扉。君自風流解相訪。焚魚呼醴逗
斜暉。

賦得玉河春水

寶齋集 卷六
誰見青皇御蹕回。龍池一夜水文開。似將玉露分僊掌。元並銀河接上台。宮草暗歸漪影綠。苑墻斜送瀑聲來。臨流共有游魚羨。無限恩波日泝洄。

得和甫書云讀書虎丘

薊門南望客心驚。汝昨函書報迺兄。小隱虎丘成獨往。薄遊燕市愧微名。何年更擁諸姜被。遲爾俱飛二陸聲。山閣毋勞頻騁望。煙雲或恐重含情。

九日張睿甫史應之萬仁甫同登總持閣
岩堯僊閣俯金湯。結客乘秋覽大荒。日抱五雲雙闕紫。天畱殘照萬家蒼。他鄉共鬪看花健。此會仍誇落帽狂。休沐向來同數子。風流真不負重陽。

張史萬三子約遊燈市阻雪不遂率爾述懷

戶戶燈輪寶市開。漢京佳麗接蓬萊。相將斗酒當春醉。忽漫輕鞍礙雪回。綺閣夜虛千炬影。茅

齊寒仗隔年杯如何咫尺繁華地不駕虹橋去
復來

曹子運要過張常侍山莊

誰家別館城西頭六月觸熱來尋幽一簾槐影
日亭午萬壑蟬聲山欲秋片石遙凌太湖色虛
堂倒挾清池流雲林咫尺不得住安事拂衣稱
壯游

面面軒窗倚淥池紅妝恰就鏡中窺餘霞暈起
當尊媚遠水香生入座遲泰華峰頭天縹緲若

耶溪畔錦迷離採蓮却憶江南樂簫鼓閭門畫
舫移

已向林中宜散髮還從臺上試披襟平原野柳
村村合小徑藍輿步步陰刺眼青山新爽氣窺
人黃鳥故清音翛然蹇出風塵外且任明朝更
陸沈

送陳卜野之新昌

長安陌上輕離別屈指逢君又送君落日亭亭
一尊酒單車渺渺萬山雲南州循吏多同榜北

寶善集 卷六
地賢昆雅出羣爾更風流解爲政薊門早晚頌
聲聞

不得伯任問怪之

南去煙雲接豫章東風萬里坐相望卽言龍劍
終雙合無那鴻書斷八行循吏聲名依日月故
人情事隔星霜如論金馬蕭條意慚愧長安粟
一囊

送傅司訓之越

羸馬青衫何所之南還仍度越江湄早沈萬卷

成華髮晚擁諸生得絳帷虛擬傅巖能入夢將
無匡鼎擅譚詩刻中不盡佳山水知勝衡門抱
膝時

今年

薊北常年寒苦深今年寒色故遲侵數枝殘菊
猶傲雪一片晚霞時破陰南北土風乍相似羈
栖客子仍苦心茅齋孤影復何道但有家醪時
細斟

寒夜集周光祿分得元字

寶齋集 卷六
坐擁金鑪倒玉尊蕭條朔氣避朱門雲邊暝色
千家靜析裏寒聲五夜喧此會風流仍鄴下何
人詞筆讓開元陸沈自是吾曹事星聚母勞太
史言

病中史應之遺橘走筆爲謝

伏枕蕭條自不妨朱苞忽荷故人將洞庭千樹
知亡恙薊北三年苦未嘗摘後凌寒偏弄色剖
餘經宿尚浮香野夫消渴如相待欲傲僊人掌
上漿

寄俞仲蔚

玉山南望小于毫有客衡門獨擬騷白首文章
名轉大清時巖壑臥從高草庭花雨幽深砌茶
鼎松風暗鼓濤此際老親便杖屨想能隨意破
蓬蒿

一夜相思寒雨青浮雲碣石爲君停詩從五子
稱同調老向三吳愛獨醒生計自高文苑傳壯
心長付草玄亭憐余暫隔元方御寂寞荀家會
裏星

香山寺

松檜陰森繞百盤自扶雙屐鬪春寒高臨北極
千門敞晴指西湖匹練看石裏流泉鳴磴道雲
邊飛鳥出闌干卽今矯首諸天近何必乘風借
羽翰

手弄晴霞俯翠微坐來山色黯相依上方佛殿
峰前擁下界人家寺半圍面面風煙銷濁酒垂
垂蘿薜裊春衣尊前一片清流在可是江南舊
釣磯

寄顧山甫

薜荔蒼然一逕斜夫君寂寞擁煙霞如雲秋稼
惟供酒二月春風只看花老仗詩篇雄笑傲貧
將林壑鬪繁華亦知無意論禽向湖上千峰總
是家

送徐侍讀使楚

四牡輝光夾道喧林間清吹引朱旛卽看南紀
諸侯貴自是詞垣使者尊雙屐暮雲過峴首片
帆疎雨度荆門燕臺九月深秋色知倒清觴在

寶齋集 卷六
故園

鄴下才名自數公，偉長風調許誰同。從知色爲
觀濤起，可信詩緣入郢工。驛路大都春草外，王
程強半月明中。斜陽西北如回首，縹緲金莖是
漢宮。

諸子遊釣臺

每到林泉意便親，偶逢休沐卽嘉辰。藤蘿逕小
恰容騎，禾黍村深自少人。白葛涼分巖栢細，清
尊香入渚蓮新。婆娑但得滄洲趣，金馬何曾異

隱淪

長安秋懷

碣石宮前秋氣高，長林落木故蕭蕭。孤雲獨鴈
時來往，細雨寒花共寂寥。生計未應關出處，野
心終自便漁樵。蒼茫目斷江南道，愁絕巖城起
暮譙。

歲杪過楊公亮招費國聘不至

百嬾從教與世疎，兩眉聊復爲君舒。呼來竹葉
寒難醉，坐對梅花玉不如。稚子清歌消夜半，隣

寶齋集 卷六
家燈火逼年除。高陽舊侶今星散。一涉浮名恨有餘。

伯任上計都門畏禁不見悵然賦詩

別後相思歲已三。逢君闕下理朝簪。尋常世事何須問。咫尺天涯獨未甘。形影久憐吾道拙。風塵偏與宦途諳。亦知握手還堪待。春酒新來釀滿甌。

人日集馬體良

紫陌東風一氣蘇。草堂相對且踟蹰。天涯歲序

當人日海內交遊戀酒徒。雪色低垂催臘去。梅花欲吐仗春扶。殷勤此會仍須惜。况有清醑湛玉壺。

寄懷陳吉水卜野

曾記秋風別恨重。只今頻見柳陰濃。書來楚甸三千里。家近王山第幾峰。繞郭花開春寂寂。雙江水煖日溶溶。空梁落月相思處。把筆題詩手自封。

王伯楨侍御邀飲梁園

寶齋集 卷六
小苑春殘黯自驚。樹頭花落靜無聲。何來驄馬能乘興。况是園亭舊有名。遠水潏潏涵夕照。垂楊歷歷映高城。清歌綠酒休辭醉。向此蕭然少吏情。

山行道中

一一山光墮馬前。大堤千步渺風煙。卽看眼底饒靈境。莫惜春來費酒錢。夾岸垂楊飛綠雨。半塘新水湛青天。曾遊此地今如夢。彷彿韶華勝往年。

碧雲寺

石子班班小徑成。寺門雙抱翠微橫。疎簾月蕩峰巒影。曲檻泉飛日夜聲。步步芳菲春後劇。紛紛車馬畫中行。平生苦覺浮名累。莫向山僧道姓名。

送馬水部之南旺

簫鼓喧喧晝色昏。風流水部問河源。從知官舍無公事。高臥泉頭卽主恩。東去名山雄岱嶽。南來家信近吳門。何時更具平原飲。我欲高尋

寶善集 卷六
日觀捫與水部有泰山之約

送于進士使薊南還

貰酒禪宮破別愁翩翩雙旆指檀州軍中刁斗
烽煙淨南下帆檣日夜浮楊子渡頭天似水茅
君壇上月橫秋毋煩故里多畱戀遲爾雲霄接
羽遊

贈懷座主伍先生由蕭令擢守順州

白下秋風三上時雄心半在半堪疑平生辛苦
河東賦此日吹噓國士知雨露幸隨桃李後雲

霄終愧鳳麟奇惟餘一寸銜恩意迢遞能過泗
水湄

蕭子城邊芳草班浮雲雙旆指公山鶴川風俗
猶存古竹馬兒童半雜蠻劍氣乍開豐令去棠
陰雖在沛宮閒何時天上徵書下棘府清光此
再攀

寄上谷張中丞

幕府高臨紫塞迴翩翩節制走風雷雲州自古
多形勝鎖鑰于今有異材白羽晝閒邊壘靜赤

寶齋集 卷六
城春曉戟門開從知雅負襄陽癖鈴閣芸編取
次裁

憶昔中丞建畫旂叨從弱冠客平原崎嶇自合
書生相顧盼終銜國士恩春雨訟棠陰不改秋
霜臺栢老逾尊燕關北望無多地絳帳風流未
可論

李武清園亭看蓮

楊柳城陰小徑通芙蓉千片點晴空當尊野色
滄波外隔岸人家夕照中太液池邊分曉露若
耶溪上醉秋風自憐官冷便休沐常伴鷗羣戀
碧叢

東傍禪宮西翠微地分清寂占漁磯波間菡萏
晴相媚簾外鳧鷖晚故飛盡日林光搖古堞方
秋水氣上巖扉淹畱縱酒不知暝行趁前村月
色歸

送褚司理之武昌

武昌城枕大江流風土于今似石頭到日使君
停捧檄經秋父老候行舟問俗時過漢陽郭披

身補集 卷六
宗應上庾公樓遙知佐郡還多效江左才名屬
中哀

秋日書懷

浙浙商飈驚綺疏問余秋意莽何如翻因肺病
能耽酒不爲窮愁學著書荏苒歲華隨薄宦東
南雲白是吾廬寧憂三徑荒蕪久老父明農手

自鋤

徐司寇詒詩家君見懷述感

當年蹀躞薊門塵把臂風期共老親宦跡升沈

餘二紀天涯故舊更何人青雲轉積窮交戀白
雪遙飛上苑春却笑古來山吏部不知中散性
難馴

十五夜獨酌

橫吐金波散紫氛清觴寂寞歎離羣一年獨占
今宵月萬里空瞻故國雲薊苑風煙秋漸老漢
宮砧杵夜初分南樓客思真無賴長嘯人間未
可聞

陸敬承自彭城詒詩見懷次韻答寄

寶齋集 卷六
向晚西風落木深故人相憶大河陰酒徒別後
空燕市魚素傳來尚越吟高臥宦情秋索莫未
歸身計日侵尋何時把臂桐江上明月孤懸照
兩心

九日小齋枯坐

深秋落木徧平蕪悵望燕臺客思孤未老風煙
欺鬢髮幾年兄弟隔茱萸天迴夕照空齋冷雲
盡高城朔鴈呼病骨此時增偃蹇燈前花影倩
相扶

九日柬沈少卿

片雲孤館不勝秋黯黯寒花伴獨愁多病異鄉
仍令節故人今日自風流能無對酒知饒菊可
當登高况有樓敢望白衣來小徑扶筇倘許後
時遊

冬日閒居

凍雨冥冥吐積寒掩闕脉脉起愁端側身天地
成孤客失足風塵爲一官北望羽書虛借箸南
來魚素勸加餐母言避世堪金馬動是人間行

寶齋集 卷六
路難

萬里西風吹敝廬東南歲事近何如亦知堯世
頻憂水無那吳民半已魚宵旰總勤 明主顧
輓漕仍急大農儲只今禁苑多供奉誰寫函風
進屬車

親舍迢迢五湖曲白雲堪望不堪依常年逐宦
身如寄永夜思家夢是歸客路音書遲鴈到秋
風甘旨憶鱸肥自緣羈思同零落豈有高情與
世違

小至前一日述懷

雪爭風高西日垂晚晴如報一陽曦故園梅柳
今何似帝里年光又此時濁酒不妨澆磊塊畏
途難自脫羈縻平生憂國兼懷土未老令人鬢
已絲

至日大雪和費國聘

曙雪蒼蒼迷四隣靜看雲物又茲辰乾坤暗入
初陽律節序頻驚久客身薄宦行藏宵酌酹寒
家庭戶玉嶙峋無由隔屋相呼飲漫發狂歌和

鄧人

與國聘過馴象公署看雪茂仁携酒偕集
他鄉見雪倍多情駐馬銜杯望玉京澹蕩乾坤
仍不夜虛無臺館忽疑晴常餘莽莽雲邊色似
有蕭蕭木末聲相對那愁寒入骨君家宿釀賴
偏羸

徐少司寇簡拜宗伯喜而有賦

履聲初下五雲平建禮雍容衆所榮
聖主自高宗伯選先朝曾重侍祠名文章白首酬經濟

冠冕清時見老成南國衰顏想開慰故人今已
佐熙明

沈陳二子集小齋

九衢風色藹平沙二妙相過問歲華客久漸甘
燕市酒春來仍對故園花清歌渺渺城烏起雙
樹沈沈山月斜縱有玄亭但堪醉時人虛擬子
雲家

國聘臨別贈我小桃盆草走筆爲謝

草色桃香點座隅贈余不減海南珠葱青歲暮

寶善集 卷六 十一
終相保爛熳春風肯未蘇
去住總教慙遠志浮沈
何必問玄都寒齋楚楚
成幽賞可勝空梁落月
無

送朱子得之懷慶

五馬翩翩出上都春風萬里散
平蕪楚材舊起明光草漢吏
新分虎竹符王屋雲高詩並秀
大河月落夢還孤縣知郡閣登
臨處直北金莖乍有無

恭題 御藏商喜畫鹿

攸伏曾聞育鎬京披圖意態
恍生成天垂雨露真咸若地
絕虞羅永不驚日出長松窺
鼠過春深豐草引麕行共欣
聖德弘開網豉喙熙然樂
太平

送何啓範

石頭山下鴈高飛申伯臺前
落照微當日投繻曾意氣只
今負弩更光輝秋來壽酒分
仙露天宮袍作舞衣獨有薊
門畱滯者白雲南望正依依

寶善集 卷六
花下集同世周賦

落照殘紅暮景懸小庭相對澹風煙避人門巷
時耽靜入眼葵榴也自鮮物色他鄉宜雨後客
途何處勝尊前惟憐明月滹沱棹不得畱君一
愴然

端陽同王世周小酌

寂寞誰堪大隱誇每逢芳節怨天涯囊符兒女
存風俗蒲黍盤餐改歲華萬里羈心牽桂樹一
時幽賞對榴花相看賴有情親在小酌清言日

易斜

卽席送王世周得登字

亭亭片月花間升耿耿離愁拋未能憐君傲骨
倦爲客况我孤懷常似僧尊前青眼二三子別
後白雲千萬層畱取吳山九秋色遲余一嘯凌
風登

懷費國聘

翩翩意氣比金蘭忽漫分飛獬豸冠豈是郢歌
偏和寡能無蜀道始知難異時碣石風流盡中

寶齋集 卷六 十七
夜裁眉月色寒萬里題詩倘相憶五湖秋草問
漁竿

沈少卿見過

五月炎塵耐可當掩關甘與世途忘科頭見客
青天小把臂圍碁白日長芳樹淺紅扶酒酸古
槐濃碧墮繩牀殷勤笑口何容易別後相思更
渺茫

萬仁甫餉蕙酒

近來止酒學陶公似是兵厨醞漸窮門外賴能
尋五柳杖頭那必指新豐天連金掌看成露月
洗冰壺映若空抱甕題詩一相憶自瞪雙眼醉
東風

費國聘詒詩見懷次韻答寄

千騎南方畫錦歸津頭相送淚沾衣知心我輩
無今古拊掌浮名有是非月在上林孤鴈起春
深湘浦萬花飛遙憐回首悲歌地縹緲金莖落
照微

紫氣蒼茫暗 帝闈乍分龍劔詎無神幾從宦

寶齋集 卷六
海悲微祿况復春風送故人交態閱來偏感舊
物情隨處又成新于今事事歡娛盡不獨當年
漉酒巾

吳儂歸興逐尊絲楚客懷人正此時雙鯉乍傳
加飯字一麾真與夢刀期爭憐吾黨生平氣各
繫中原別後思萬里春明休感慨那能蝸角定
雄雌

游草橋

別墅蒼然野徑通迴塘十畝宛垂虹林端不墮

松杉日天外常吹菡菹風未擬勝懷多病減劇
憐幽景故鄉同當尊乍可拋塵網細逐清歌倒
碧筒

層岡曲抱水涓涓鏡裏垂楊盡倒懸晴晝有時
飛綠雨濃陰無地豁青天游人改席偏依樹稚
子移舟戲採蓮高會只今容把臂可將河朔傲
當年

悶

久耽微祿擬何爲暫鬱歸心可自持萬事依人

寶齋集 卷六 九
難肆志一身作客易攢眉天涯兒女仍今夜湖
上尊鱸正此時槭槭空庭聞落木不禁羈思共
淒其

茂仁見過讀余悶詩遂枉和什再用前韻

賦答

憐余何事苦吟爲縱有清醑嬾獨持相憶故人
能把臂未歸愁客一舒眉還當落月聽鴻處預
數西風泛鷁時卽此尊前堪惜別那須數問夜
何其

沈茂仁夜集分韻得分字

遠漏沈沈漢苑分小庭月出照微醺如看酒態
差堪賞但語離愁未忍聞清夜尚交牛斗氣故
園行傍鹿麋羣尊前把臂休辭數別後千山斷
白雲

寶菴集卷之六

吳郡顧紹芳實甫著

寶菴集卷之七

七言律詩

萬壽節恭于舟次瞻拜述感

幾年端笏侍金鑾曾奉 君王萬歲歡紫氣曉
瞻天北遠布帆秋自日南看鷁行漫擬陪嵩壽
虎拜猶能似漢官怪道子牟偏戀闕五湖雲壑
聖恩寬

任城道中

秋草依微落照明川原歷歷總關情千家網罟
魚成市兩岸菰蘆水向城白泛鷗羣將棹去青
懸樹色帶帆行雲邊暗指淮徐近十日遙拚盡
旅程

彭城懷古

山外高城接斷虹千秋感慨夕陽中大河天闢
遙當險壯士時來各自雄戲馬舊臺荒宿草逝
騅遺響動悲風乾坤不盡興亡恨泗水茫茫繞
沛宮

得沈君典書知未有北上意却寄

泗水孤帆落鴈前故人書札到愁邊夜懸燕市
相思月天闊清江獨釣船偃蹇尚耽安石臥浮
沈不借子雲玄秋風我亦歸田者拙宦行藏總
自憐

將抵維揚寄李汝培侍御

湖波欲盡見維揚柱史郊居宛在望別緒舊懸
淮浦樹浮踪真憶薊門觴偶緣同病偏相惜但
隔長江是兩鄉無恙布帆從此去可憐回首更

蒼蒼

元夕同夔弟奉家君及諸親故小集

久客初歸戀歲華
草堂燈火燦於霞
斑衣對舞今何夕
玉樹相看是一家
漸捲暮雲爭擁月
乍晴春雪尚沾花
老親近况寬行樂
有酒留賓可待賒

郊游

小舸林中數問津
偶逢佳處卽留賓
一尊天地容疎放
雙屐江山借隱淪
雲石昔城晴更好
桃花臨水晚逾新
朝來莫怪耽遊賞
客夢時牽故國春

過浮佛寺書感

愛弟昔年同隱處
重來九度見春風
卽看耆宿頭爭白
依舊戎葵花自紅
靜以道心皈大士
譚於名理得支公
莫言未老輕投綬
漸悟人間萬事空

答寄周伯中

自愛禪堂五月秋
敢云吾道在滄洲
故人天闊

能相憶此地雲深不可求
徑入妙香花是雨榻
懸空翠竹爲樓東林好景依然
在何必青衫愧
比丘

答寄馬水部

秋草門前宿釣艫坐驚飛
札問蓬窻家園勝事
能粗遣世路雄心已半降
明月向來懸濟水春
風亦自繞吳江殘陽寂寞
虛回首愧爾沙鷗隊
隊雙

隔年曾醉美人觴夜色依微
度石梁吾道白雲
歸去晚異時青眼意何長
書來動是陽春曲名
下誰如水部郎莫怪野夫
訓和少嬾心兼復廢
篇章

登錫山

青山無伴獨成游籃輦凌風
况及秋萬井自懸
高嶂曉千帆如織大河流
浮圖倒影橫丹鷲古
殿無人臥石牛尋勝那知行
近遠野心何地不
滄洲

登惠山絕頂望太湖

寶善集 卷七
閣道崔嵬未着梯仙人玉杖豔能攜盪胸秋色
浮雲外指掌山形大澤西白浪驟翻諸島出青
天忽壓衆峰低夕陽樵採依稀絕萬木風前虎
豹啼

外舅啟孫宅遇顧始餘悵然有作

契闊林泉及數秋只今邂逅緩離憂哦詩湖上
記青眼把臂燈前驚白頭遠岸燒殘樵響斷古
橋楓冷夜堂幽平原耆舊嗟何在西磧山空草
樹愁

惠山遊黃顧諸家園亭

窈窕春山幽復幽短筇偏得恣冥搜家家華館
依峰出步步清泉抱檻流乘興偶然同看竹忘
機復爾混眠鷗此中大有玄栖境何日雲邊占
一丘

雨中度江將登金焦二山

鷓首輕帆向曉開指麾飛度大江隈山隨海氣
冥冥至雨挾濤聲隱隱來已道清時虛擊楫可
容佳境負銜杯還看把臂層巔上形勝東南一

快哉

金山

玉華高館淨無埃萬里風煙迴自開江勢漸窮
迴砥柱山形如削擁樓臺雲留絕頂終爲雨龍
臥空池或起雷斜日振衣聊一瞬壯遊仍得幾
回來

許繼顏園亭看玉蘭花

城頭楊柳漸如絲城曲名園事事宜花信正當
春半好酒人能赴月明期香分楚畹杯前度色

借藍田暝後窺入眼韶華最堪惜可教風雨重
相思

山中看梅

百日春陰暖漸開自扶雙屐破莓苔忽驚眼底
遙成雪爲道山中盡種梅澹蕩湖風香作浪紆
迴村塢玉爲臺十年夢想今初到休覆殷勤掌
上杯

過外舅山中故居

滿屋湖山酒百巡可憐意氣一時新只今高士

寶齋集 卷一
知何在空自梅花相向春徑有蓬蒿長積雨堂
無圖史暗流塵淒涼絕似西州道便欲迴車別
問津

答陸七丈

百事中年嬾便辭祇餘行樂未言疲青春物色
濃相媚白日花陰醉亦宜羯鼓不須催落照羽
觴偏得映繁枝憑君莫作風塵語丘壑中間合
置誰時有勸駕語

喜沈茂仁過訪

星軺六月下滹沱計日遲君訪薜蘿久別故情
應不忘乍逢秋色爲誰多城隅綠樹孤帆宿屋
底青山小騎過試問南天重把臂可如西陌共
鳴珂

忽漫相逢婁水湄却憐爲別薊門時終然吾黨
成龍劍共歎長安似奕碁窻中風雨聞桐葉江
上芙蓉引釣絲縱飲莫辭今夕醉郭隗臺畔隔
年期

小窻綠萼梅盛開

小樹繁英亞竹闌
巡簷時借一枝看
香浮片月娟娟淨
弱倚輕風颭颭寒
直有春陽施翠黛
虛疑夜色混琅玕
仙根窈窕人間見
轉向蓬山憶羽翰

夏日陳虞部園

故周太守園

石逕陰陰迥隔塵
不煩張坐有莎茵
重過臺館驚新主
漸老松篁是故人
慷慨百年堪縱酒
蕭森一壑稱垂綸
玄雲暮色催歸興
取次尋花叩戶頻

姜仲文招集彭城諸勝處

久向長淮厭溯湍
應攀玉樹罷愁端
天容鞭弭周旋約
地盡河山表裏觀
片月自懸空霸壘
野雲猶在護詞壇
相逢懷古成蕭瑟
况復風塵把臂難

遇蓋卿東昌

逢君此地客愁寬
累歲相思兩鬢看
同學尚宗牛耳約
幾時重合鳳池歡
尊前濟水流難住
別後燕雲望自寒
莫以時平輕建節
祇如吾嬾亦

寶菴集 卷七
八
八
彈冠

送萬大叅仁甫之山東

薊門花發又花飛
晚閣登臨戀夕暉
天外豈堪垂老別
省中嗟已故人稀
丹泥尚濕新題疏
紫霧常縈舊賜衣
何日棠陰成蔽芾
好從明主贊樞機

柳岸春風潞水流
使君旌旆去悠悠
東方開府元千騎
三十專城更上游
闕里文章歸大雅
岱宗風雨入冥搜
惟應臥閣無他事
指點停雲動別愁

費國聘甫入都門過訪屬余病中畱酌小齋遂枉來什因有此贈

吳楚風煙繫遠思
薊門相見喜成悲
肯緣久別疎知己
共對清觴憶往時
蜀道縱難官未左
文園如故病何辭
惟憐夙昔襟期在
握手匆匆各賦詩

張質卿陸敬承費國聘馮用韞集小齋得

秋字

寶齋集 卷七
紫苔門巷不勝幽卽有招尋總舊遊十載襟期
常卜夜一尊風雨便成秋翻將白眼窮歡笑各
吐清言佐拍浮可憶年時離別否萬家砧杵動
生愁

質卿公亮貞復國聘集蓮花菴得魚字

芙蓉池閣錦爲居不遣秋風日夜疎垂柳古城
堪駐馬倚綸高檻莫驚魚昆明草樹分葱蒨銅
狄雲霞對卷舒漫道後期花事晚一枝畱賞倍
踟躕

質卿國聘集小齋共賦槐字

積雨空庭漸長苔聯鑣或恐問奇來絺衣月色
涼侵戶人語秋聲暗入槐畏路同心猶未失清
時笑口幸頻開當尊磊塊澆難盡莫聽高城急
柝催

韓臣書至怪不得余問賦此爲答

珍重三裁薊北書知君情事不爲疎乾坤自著
嵇生嬾歲月仍深楊子居汀樹水雲空悵望酒
船茗椀近何如莫言少日飛翻意取次人間萬

念除

九日諸子出郊見約阻弗克赴既以重陽

登高詩相示輒用韻書懷

病骨年來萬事慵却逢佳節罷扶筇浮名尚戀
金門戟遠興仍違野寺鐘籬菊待霜黃未吐煙
林落日翠還重難將雙眼隨君去即恐鄉心望
裏濃

木葉蕭蕭下夕陽疎簾颯颯晚生涼掩關把酒
有何意出郭登臺偶自妨黃菊幾家當令節青

山無數只他鄉惟憐吾黨風流甚浪說千秋落
帽狂

常緣散署聯鑣出更想高臺立馬登過雨山容
應倍好滿天秋色似初澄銜杯定可淹林日歸
路何妨借佛燈會有重陽畱閨月也拚携興白
雲層

不盡風塵長二毛那堪秋思復牢騷天邊有弟
茱萸隔眼底何人杖屨豪已道勝遊成載酒兼
聞佳句競題糕蓬蒿徑裏無餘事臥看涼雲片

寶齋集 卷七
片高

吳仲文沈少卿集小齋看菊分得笳字

雲物蕭條日易斜
卷簾邀客斲成譁
夜長空館偏宜酒
秋老寒城尚有花
自訝年光隨轉燭
可憐月色向鳴笳
相逢不醉緣何事
却恐西風上鬢華

送鄒爾瞻請告南還

曾看九死爲批鱗
忽漫雲霄又乞身
豈有朝踈直道祇應華
髮戀慈親
十年客夢燕山路
萬里鄉心楚水濱
嬾病自嗟人事絕
灞陵空復望行塵

湖上

暗壁幽泉百道開
平湖十里碧於苔
晴沙不動白鷗起
遠寺猶微青嶂來
踈地柳陰相映帶
連雲麥隴自縈迴
江南風物何如此
立馬鄉心轉自猜

九日石湖燕集唱和詩

水面秋雲帶日黃
競扶籃輦叩僧堂
那期燕市

分裾後重見龍山落帽狂叢菊且拚開病眼千
峰直取佐清觴使君標舉能超俗始笑從前吏
道忙

送諸進士之南陽教授

蚤聞優詔下江干從此天衢縱羽翰 聖主自
來容折檻同人今已競彈冠名高不入芙蓉府
祿薄聊供首宿盤諸葛祠前春草色千秋仍與
臥龍蟠

天竺寺

開山何日剏珠林入寺翻容上翠岑松檜老成
祇苑樹石泉喧作海濤音風吹寶界三花落日
射丹樓萬竹深習靜不妨來此住白雲常自護
禪心

九里松

高松一一拄秋旻九里垂陰路不塵天與冰霜
扶正直地分泉石漱清真尋常梁棟難爲用天
矯虬龍未可馴回首五株參泰岱虛名無賴辱
函秦

寄馮開之

古徑蒼苔愛獨行，却憐雲霧擁高城。
青山縱自成賓主，白社猶堪憶弟兄。
樹引晴峰煙漠漠，天橫秋水月盈盈。
卽今慚負連牀約，汗漫虛稱五嶽盟。

游招隱寺

覆谷松長草徑迴，最深重見寺門開。
天排複嶺成雙障，地縮澄江浸一杯。
石裏幽泉喧客屐，巖間新綠隱花臺。
山空路僻人稀到，誰更明朝載

酒來

維揚贈李汝培同卿

與君追數秘書時，一一風流惱夢思。
玉署銅龍天不遠，苑花宮樹日相隨。
已嗟靈劍分燕市，况值飛蓬落海涯。
聚首不堪成黯澹，廣陵煙柳共低垂。

曾從白簡一蜚聲，立掃妖氛見太平。
去國肯孤魚水眷，避人聊逐海鷗盟。
懷將楚璞愁難辨，佩有吳鉤拭自明。
遙想賜環應不久，可容吾黨看

寶善集 卷十
嶂嶸

贈陳從訓

草樹菲菲島嶼陰
美人踪跡近中林
冥鴻不在青天外
隱豹長依紫霧深
小西圖書仍素業
南徐山水寄玄心
憐余獨往成疎懶
遲暮從君始盍簪

珍重高風未可攀
千門落日抱玄關
簾前秋倚王猷竹
屋後晴開謝眺山
生白齋虛甘自老
殺青編就許誰刪
風塵小草成何事
羨爾沈冥一壑間

壑間

度龍泉關

寄崙鳥道接邊城
行李蕭蕭朔馬輕
翠嶂宿雲平地出
綠陰飛雨半天橫
寒帷日散千峰紫
吹角風疎萬壑聲
欲寫丹青入歸橐
臥遊他日似宗生

南臺

震旦名山起道場
曼殊靈蹟寄蒼蒼
圓巖似覆千秋鉢
異卉時飛百和香
日出羣峰當礪塊
天

寶齋集 卷七 十五
低六月下風霜懸知三昧存千劫儻許凡夫見
佛光

中臺

迴巒無樹亦冥冥窳堵波高碧落停千界佛光
時見白四圍山色盡環青橫天飛鷲中峰秀出
鉢潛龍太華靈禪榻蕭條心似水臥聞清唳發
巖扃

臺上有太華池

頃口旁

西臺

崔嵬扶杖白雲巔一望乾坤曲檻前清夜半峰

畱落月夕陽雙嶺界寒煙平臨北嶽青冥合極
眺重關紫塞連寄語安禪須此地西來應更近
西天

北臺

北極仙巒百丈懸卽看雙袖破風煙高雲片片
涼生雨絕頂沈沈暗吐泉磴道層氷餘太古巖
扉落日居延浮生未作栖禪計已覺諸天在
眼前

東臺

平巖歷盡見嵒岬指點扶桑路不賒大海波濤
先浴日亂山煙霧獨蒸霞峰浮鰲背連雙闕徑
入雞園繞萬花不向乾坤試寥廓寧知世界有
恒沙

清涼寺

窈窕迴峰衆木陰憑陵雙屐片雲深千盤磴裏
開僧寺萬壑泉中出梵音室利西來曾示迹清
涼此地足栖心何年世網還拋却一鉢蕭然倚
道林

曲陽謁北嶽廟

香火崇祠畫不扃遙瞻北嶽峙冥冥穹碑代落
名公筆飛石人驚太古靈接影松楸昏日月凌
空臺殿鬱丹青何時直躡恒峰頂手抉浮雲叩
紫庭

入都補故官效長慶體

四千里外帝京路九十日餘遊子程差幸老親
天與健未携妻子累猶輕幾年穩臥滄江色何
物仍聯玉署名出處 聖朝無一補較來長策

是歸耕

九日摩訶菴作

十年漫作林中別。九日閒銷陌上塵。給苑舊陰如遲客。山僧新句忽驚人。臺臨寶刹懸青漢。徑入瓊泉隔紫筠。誰道漢京佳麗地。不禁鄉思逐鱸尊。

秋望

秋老燕臺落日陰。一尊何處快登臨。蕭條萸菊自賓主。蒼莽山河成古今。萬里未休秦塞甲。千

門不斷漢宮砧。江南諸弟應相憶。愁絕孤鴻海上音。

送姜仲文視學關西

年少曾高視草名。璽書新拜領諸生。臨岐燕市空車馬。改歲秦人望旆旌。四顧河山雄左輔。中興文學在西京。還應矯首浮雲外。突兀憂時意未平。

三十橫金衆所誇。翩翩雙騎去凌霞。千門朔雪辭華省。二月春風敞絳紗。天外黃河朝度馬。城

寶齋集 卷七 十一
頭蓮嶽晚當衙傳經世業君堪繼不用瞻雲苦
憶家

蒙 恩予告給驛

多病無能合罷官虛蒙賜傳 主恩寬由來禮
數橫經渥無復間關行路難稚子解誇新雨露
長年如狎舊風湍空然戀闕成何事早晚滄江
一釣竿

登岱

震嶽居然五嶽尊中峰忽爾衆峰蹲天含萬象
平開闔海浴雙丸對吐吞終古松蘿清石骨有
時巉嶸暗雲根秦崖宋障俱陳迹嗚咽幽泉與
細論

六龍馳道出雲邊絕頂峩嵒更可憐阿閣迴開
羣帝府晴闌微辨九州煙卽看高華疑無地却
借滄溟別有天漫道蓬萊應只尺茂陵松栢正
凄然

矯首初驚積翠流俯身如揖萬山稠經過不盡
前朝色莽蕩真成五月秋齊魯片雲隨倚杖乾

寶齋集 卷七
坤雙眼在登樓休論汗漫如禽尚已薄張衡賦
四愁

西望迴巒綴夕曛振衣猶得破氤氳空中復磴
懸疑斷樹杪飛泉杳自聞歲月暗銷秦碣字陰
晴不改漢封雲清朝久讓云亭事司馬何勞草
禪文

酬徐宗伯過訪山園

自愛衡門遠市譁偶逢籃輦破蓬麻迴舟却笑
山陰雪倒載真迷漢渚花月出峰巒低枕席秋

來草樹鬱煙霞從今相送還相望歸有園頭路
未賒宗伯以歸有名園

七言排律

游惠山

五度惠山游自愜于今信宿更堪誇涼當水榭
狂呼酒巧直巖亭飽看花露下清歌聲似玉燈
前紅粉氣如霞春憐青眼歸仍緩月笑酡顏起
便斜臥石且停蕭寺屐汲泉重試虎丘茶翻因
小草窮靈境莫倚長繩繫歲華興到肯嫌杯斝

寶齋集 卷一
數醉深從趁管絃
譁惟愁握手明朝別
渺渺風塵獨憶家

游韋公寺因懷沈少卿

九市飛沙晝亦昏
卽看韋曲似秦源
清波渺渺迴山雨
綠樹沈沈到寺門
紫馬不驚芳草路
玉壺遙駐浣花村
從來久客耽鄉思
乍到空林澹客
覓楊柳梢頭
天弄碧海棠枝
上月生痕二毛
未覺多情減一壑
終慙此道尊
却憶同游十年
事故人牢落臥江樊

送袁子壽

滹沱楊柳暗鳴榔
遙指金陵落日黃
如爾才名真武庫
此邦形勝自高皇
請看定鼎雄龍虎
還擬登臺識鳳皇
閭闔靜分楊子月
長干曾貯令君香
豪華振古成都會
風物宜人近故鄉
六代宮煙移畫艇
萬家秋色對胡牀
平明拄笏當鍾阜
薄暮垂鞭度雀桁
宦計去來同混世
主恩南北並爲郎
三山未老仍逢謝
兩賦俱傳倘似張
爲憶薊門畱滯者
好因雙鯉問行藏

寶菴集卷之七

寶菴集卷之八

吳郡顧紹芳實甫著

五言絕句

子夜四時歌

歡似枝上花隨風落誰家儂似花下枝花去終不移

種荷荷不花翠葉空田田莫怨不成荷有藕終自蓮

手種黃蘗樹須臾鬱成林西風吹空房容易多

寶齋集 卷八
苦心

朝看地上雪暮看雪上跡從朝看至暮門前雪
三尺

除夕

自作燕市人今夕幾除夕無夜不夢家何言四
年隔

山瓶貯美酒婢子且莫斟有酒不成醉應知羈
旅心

晨起卽事二絕句

一宵風稍緊八月草全腓未是清霜候閨中已
授衣

昔日矜朱華今時隊黃葉莫恨西風吹長門閉
嬌妾

舟行卽事

願得三千里飛帆一夜還生憎衛河水十步九
成灣

白日鬱不開輕舟蕩煙渚不見行舟人但聽煙
中語

寶善集 卷八
葭菼兩岸闊日出片帆過坐覺前溪漲夜來秋雨多

卽事

落日人煙少臨江惟數家篷窗試一望寒色滿平沙

枕外江流駛燈前客夢殘豈堪重入聽一一鴈聲寒

題敬承來爽臺以西山朝來致有爽氣爲

韻

却月臺高起披雲望不迷萬山無限好只在赤闌西

下界疑無地浮空祇見山自來青眼色祇寄白雲間

片雨羣峰出清秋萬木凋芙蓉千古色最好是今朝

有酒常玩世無金仍築臺自稱方朔隱誰問郭生來

支願看青山飽飯無餘事咫尺官道傍誰知此

中致

拄笏秋天空羣山落吾手偶爾逃醉鄉嗒然復何有

山響

高臺生雄風披襟對颯爽但撫少文琴當令衆可憐車馬間自挾煙霞氣却問山中人爭言出山貴

夜歸淨慈寺

連波曜積雪明月到湖心十里南屏寺山僧臥

正深

山深斷行跡宿鳥亦無喧相送前村月殷勤到寺門

拙圃雜詠

枝撐葉蒙茸垂陰宛如蓋高枕驚飛濤清風自

天外

松蓋巖

平巖何所見見此西山陞悠然會心處多在夕

陽時

夕佳巖

誇他歲寒色愛此庭中樹五月噉楊梅輕帆過

玄墓

楊梅隄

斜陽媚幽石相殫不能去主人抱書眠松風獨

知處

雷暉洞

一夜春風生中庭萬花坼惟有巖間松不借春

風色

看花巖

磊磊山頭石鬱鬱崖畔栢并入池水中連天作

深碧

影碧池

谷上為盤峰峰下即盤谷中有幽人居白雲逗

喬木

盤峰

修嶺跨虹梁望望情何極青山出林端蒼然駭

秋色

餘清嶺

泓澄洞中水月明浮蒼玉寄語高尚人何須鑑

湖曲

浮玉洞

欲攬眾山色不借葛陂龍登樓卷簾坐面面青

芙蓉

皆山樓

小齋無長物經卷共蒲團欲問安心法無心那

用安

超然齋

宿獅雲庵

日出霧露稀青松澹於沐偶然禽語喧尚有幽
人宿

芒屨青嶂遠草榻白雲寒不盡殘陽色鐘聲自
掩關

車中雜言

六月車中坐觸熱良苦辛未識熱中熱試問將
車人

上山復下山人憊馬亦憊賴有馬頭山觸目能
醒睡

無事高山頭屯兵費倉粟目不識邊烽迎官下
山麓

山中泉汨汨山下聲嘈嘈丁寧出山去莫便作
波濤

青山臨大道寂寞長荆榛行人自來去誰是愛
山人

臥石臨丹壑長松結翠嵐龍泉關外路步步小
江南

五臺高何如迴車出雲根千盤下坡路猶未到

寶者集 卷八
平原

白雲從何來又復從何去切勿妄舒卷時人知
汝處

古意

春雪何狼籍春風鬱未開梅花纔半吐應待可
人來

空疑聞白苧真自隔青山不及雲中月流光照
玉顏

六言絕句

夢菴詩爲周吳生賦

覆鹿元爲薪者化蝶卽是莊周莫問誰真誰妄
白眼天地悠悠
長嘯五湖秋色高臥千峰白雲處世同歸大夢
何人清夢如君

園居戲題

前林竹聲暗起半畝桐陰漸涼三徑未通求仲
北窗自傲羲皇
閒雲往來曲渚落日掩冉巖扃消盡三杯白墮

寶齋集 卷八
看殘一卷黃庭

竹林沈湎太豪三閭獨醒坎坷意在醉醒之間
自笑古人無我

青草漸迷竹徑白雲長護柴門春來些子公事
抱甕朝朝灌園

案頭翰墨塵滿閣左親朋面生諸君莫怪我嬾
不嬾應至公卿

七言絕句

紫薇花

紫薇開徧一庭花閒逐東風檻外斜夢起漸憐
身是客却驚花影是儂家

獨酌有感

孤影銜杯送夕曛秋風落木靜中聞人生骨肉
東西去世上浮名解誤君

遊浮佛寺有感

獨遊山寺窅成趣松桂蒼茫和夕煙老衲伴余
良久立兩年情事曲闌前

歲暮送友人歸

寶菴集 卷八
忽聞歲盡轉陽春漂泊天涯一病身無限關山
煙雨裏臨岐先送故鄉人

別王三

眼中年少紛紛是誰似阿戎風骨奇看取別來
煙水闊月明何地不相思

一棹翩翩水上雲故人應自惜離羣無情最是
前溪水流下扁舟不見君

閨怨

夫婿長安遊俠時黃金不惜醉花枝那知故國

三千里日日閨中待畫眉

旅思

看花遙指鳳臺登鄉思如雲日日增昨夜夢
中斷處半江風雨下毘陵

楊柳

楊柳春來映遠山一身憔悴寄禪關無人更上
樓頭望陌上青青只自閒

長門怨

鳳闕千官早罷朝金輿自向主家邀誰憐深鎖

長門者卽是當年舊阿嬌

送張伯任

握手燕山道上時
共言南北兩相思
使君但有飛鳧術
何必尊前悵別離

我住京華君獨歸
君歸仍向大江西
臨岐爲報親知道
從此生涯信馬蹄

除夕口占

小坐寒窗近一更
山妻供酒話羈情
不知今夕爲何夕
賴有鄰家爆竹聲

黃金雖盡未言貧
祇歎三千里外身
此際高堂燈火下
停尊應自爲征人

小女燈前笑語譁
汝兄汝姊在天涯
不知兄姊今宵會
可解含情憶汝爺

遼陽凱歌

榆關一夜掃胡塵
白纛風清喜氣新
聖主祇今優汗馬
將軍寧復讓麒麟

西去呼韓款未央
東來遼水得名王
不須更挽天河水
瀚海從今罷戰場

燕來

薊門春老見花稀
夜夜家園夢裏歸
惆悵堂前雙燕子
朝來能傍舊巢飛

送王詹錄使閩

碣石宮前楊柳青
依依偏自傷離亭
長安正爾愁今雨
南部遙應指一星

鴈去君來潞水濱
鴈來君去又當春
莫言來去風塵苦
雨露隨君徧七閩

三十六峰溪九曲
知君到處愛登臨
山中倘遇僊人在
爲道東方正陸沈

問開之疾戲題

北風蕭蕭走燕市
十日高臥九不起
因君笑謝當壚人
那更文園病相似

送黃律元舍人

遙驅六傳下三吳
回首燕臺落照孤
一自使星南度後
金門還識歲星無

別酒淒其竟不酣
朔風歸騎自驂驪
憐君一似隨陽鳥
纔見寒雲又向南

寶菴集 卷八
我自因君悵別離君歸應不解相思江南二月
閶門道楊柳春風徧酒旗

和外舅陸翁山居雜詠

不向叢林師遠公閒翻貝葉悟三空人間縱有
無窮業總入毘盧覺海中

看經

莫歎支離一病身病中翻得見天真縱然藥裹

無錢買芝朮山頭歲歲春

養痾

柴門不掩萬山幽有客相過自勸酬任是蓬蒿

三徑滿也知無意避羊裘

對客

但飲何須較聖賢三杯常得醉中禪從今萬事

都休問且課兒童種秫田

飲酒

一枕閒窻夢不醒醉鄉深處自沈冥山中久與

塵寰隔太史何勞奏客星

高臥

送馮開之

鷓首南浮落照孤片心終自傷江湖如何無限
金莖露消渴秋風竟未蘇

青草春風點地斑浮雲不度薊門關故園楊柳
初舒眼恰見征夫萬里還

寶齋集 卷八 十二
與君今作別離身別後風流事事新三竺六橋
春似錦那能不妬獨遊人

攜李千峰刺眼青越王臺畔暮雲停宮袍畫舫
擁歸路却笑金門老歲星

一曲驪歌響入雲濯纓亭畔思氛氲尊前請看
金堤水流青門尚不分

上巳郊遊絕句同楊公亮陸敬承賦

蒼煙白日野茫茫立馬高原問古牆遺跡漸隨
青草沒路人猶自說昭王

窈窕雲林總不迷春風偏繞薊城西桃花望裏

三千樹步步紅香帶馬蹄

隄下流波澹蕩時倒垂楊柳綠煙絲東風半似
江南道只是前村無酒旗

萬白千紅釀彩霞杖頭錢盡酒還賒春光何處
最堪惜明日不知今日花

無邊芳草綠如雲點點香泥屐齒芬十里春波
渾似鏡就中偏映石榴裙

胡姬半醉鞦韆雙鬟也向江頭板楔還女伴穿林

又相喚競將花瓣鬪紅顏

秋江曲

畫船秋浦泛新紅
水面羅裙妬晚風
不分夫容能並蒂
歸來惆悵月明中

中秋獨酌

今夜長安月正圓
小庭寂寞倒清尊
已知萬里身爲客
却怪清光似故園

觀泉亭

蒼崖石竇古時泉
瀲灩循除幽可憐
昔日引泉

人不見祇今泉響自年年

送姜仲文

長向燕山望白雲
那堪春色重離羣
天涯把贈無餘物
一片鄉心遠送君

二月東風吹柳絲
滹沱南下片帆遲
丹陽郭裏花如錦
正及仙郎畫錦時

錦袍玉帟擁前旌
六傳光輝動舊京
夾道行人齊拍手
當年卽是棄繻生

桃花

寶齋集 卷八
小窻微雨潤輕紗一樹芳菲似彩霞誰道薊門
春事少梅花纔落又桃花

春山曲

亂山高下碧嶙峋古路無人可問津但少太湖
千頃玉恍然疑是洞庭春

山下淒淒芳草春依微一徑似通秦此中莫道
無相識樹樹桃花欲向人

芙蓉朵朵白雲層指點西方問老僧怪得連天
常紫氣萬山如帶是諸陵

西去名山隔洛塵一年一見一回新山靈不似
山僧嬾更勅千峰作主人

籃輿步步踏香塵拂袖空辭洞口春千樹桃花
渾欲醉那能不笑獨醒人

一瓣蓮峰着地垂蒼然秀色上鬚眉遊人乍見
驚相賞盡日山僧看不知

南岸澄湖北岸山柳條新綠板橋灣風塵來往
人如織不及羣鷗隊隊閒

送曾直卿

寶齋集 卷八 一五
紫書玉節下承明
天上詞臣畫錦行
不獨縣官親負弩
故園花發待雙旌

秋風嫋嫋動三湘
迴鴈峰頭夜有霜
此際思君千里夢
還隨明月到衡陽

燕子樓

門鎖殘陽暗草茅
千秋寂寞舞衣拋
樓頭燕子能懷古
歲歲春風入舊巢

江村

野花如繡菜花黃
十里春畦步步香
遲日暖風

無一事自移輕舫
過橫塘

芳洲楊柳綠
參參千樹桃花盡
倒涵莫向武陵求
別業儂家元自住
江南

壽隱者

抱甕當年甘息機
龐眉鶴頂世人稀
夜來拄杖看南斗
似有祥光指少微

題孤鴈圖

獵獵寒蘆風倒吹
南鴻獨宿晚江湄
何時天際冥冥去
不向人間賣羽儀

舟行遇雨 時吳中又大水

水雲濺濺黑風旋
篙師繫船古柳邊
行人不度住亦得
簑笠老農泣向天

湖波將雨接隄平
何處田家不望晴
一曲農歌聽未了
桔槔千轉盡愁聲

傅伯俊明府邀遊石湖因訪王玄靜抵暮

云別

十里澄湖畫鷁浮
主人高論客能酬
不妨厨傳朝來薄
面面青山供案頭

使君行部挾春風
宛轉蘭橈處處通
不但勝懷能獨往
自來公事了湖中

五柳當門隱石湖
干旄小隊隔林呼
徵君頗似陶彭澤
為問江州餉酒無

汝憑官事入名山
我豔辭官亦不閒
湖上夕陽分手後
晚潮相送下胥關

南旺逢翟處士

一片羈心折五湖
逢君客路漫踟躕
關頭此別如流水
半入幽州半入吳

寶齋集 卷八
憐君頭白始歸耕
陽羨青山寄此生
回首少年無限事
五陵裘馬五侯鯖

送金玄朗

薊門落鬼劒
歌微自合青山老
布衣作客問君
今幾歲可知萬事不如歸

潞水流澌暖自開
歸心暗逐早春迴
也知不獨尊鱸美
玄墓峰前十里梅

五噫歌罷出燕關
猿鶴林中待客還
明月灞橋天
萬里不知何處是吳山

朝陵曲

形勝天開萬載安
九朝於此葬衣冠
雲為寶幄垂垂下山作
青龍曲曲盤

一自髯龍入杳冥
遺弓雖在閉空亭
祇應寂寞橋山下
夜夜風雷走萬靈

戍削千峰繞御臺
中天日月寶城開
清宵不斷松濤沸
疑是駉駉羽衛來

復嶂連天展翠屏
世人無路拜玄扃
偶因祭掃開門入
得見長松分外青

如聞遺令欲卑宮流水因山制未崇試看咸陽
秋草沒霸陵無恙在西風

景陵

黃雲渺渺連黃屋翠巘重重起翠臺莫訝此中
多瑞氣神孫新謁寢園來

陰森寢殿遙傳鑰肅穆靈官儼奉祠絳節雲中
似來下可能猶憶受朝時

紫荊關北古風沙二月春深柳未芽却向九陵
回首望萬株文杏一時花

曉行聞西苑荷香

玉露濛濛水殿涼內家相向鬪紅粧亦知無限
歲蕤鎖不鎖秋風菡萏香
上苑芙蓉覆曲池暗香遙得馬頭吹雙橈舊倚
橫塘路隔清風迴似此時

中秋病中口占

竹牀如水不勝寒檻外明蟾耐可看猶有少年
心未盡自扶孱骨倚闌干
徃徃追歡厭獨醒祇今多病托沈冥姮娥誤記
年時約猶送清光到小庭

寶菴集 卷八
送陳伯符

風塵渺渺復漫漫許大長安着眼難何似掉頭
秋色裏五湖天際不勝寬

燕市悲歌不可聞片帆明月悵離羣祗餘禁苑
城邊柳無限風流總似君

北風初起送歸橈故國清歡未寂寥明月晚鴻
相憶處鴛鴦湖上赤欄橋

游天池山

下榻何方認竹亭風塵回首愧山靈迢迢十五

年前事依舊茶煙一縷青

哭沈茂仁

籍籍才名在漢京蕭蕭白骨送浮生山中馬鬣
新封墓海外芙蓉別作城

薊門一別渺相望從此青天斷鴈行處處爲君
堪墮淚不須鄰笛起山陽

一掬相知淚不收草堂無復舊風流孤魂似憶
平原飲凍斷寒江十日舟

余哭茂仁阻凍
嘉禾道中數日

曾向金門指歲星只今埋玉更無靈鴛鴦湖上

寶齋集 卷八
春風起依舊王孫草又青
堂前垂白對蕭疎地下沈沈恨有餘欲向門人
寄心事平生不作小邨書

湖上曲

不耐春遊動地喧愛他秋色靜林樊猶嫌十里
芙蓉岸露蘂煙枝斷客覓

別家

老妻應怪別離輕萬里匆匆拂袖行解道少年
心遣盡不知何事戀微名

題鶴林寺

寺卽古竹院

纔到鶴林尋竹院又隨籃輦過前山縱然身在
風塵外難算人間半日閒

別戈生

擬唱陽關調不成船頭相望眼波明憐他江水
無情物也作潺湲送客聲

送客歸後泊舟江頭

金焦相向插波微伴我船窗送落暉惆悵身如
兩山寺昨來遊客盡辭歸

寶林集 卷八
三月晦日度江

瓜步柳陰如碧幢也能相送到蓬窗可憐春色
畱難住一似輕帆曉度江

寄和甫弟

何事拋家別弟昆一時無語闌銷覓於今客夢
千餘里猶在惠山山下園

與和甫別于惠山

午睡

嫩綠陰成靜卷簾圍碁罷局卷抽籤如今篷底
無餘事學得騰騰午睡甜

水程空向長年探漸遠家鄉我自諳怪得邇來
貪午睡夢中常得到江南

新月

黃河無岸水漫漫不作風波膽亦寒瞥見船頭
新月墮故園人在畫闌看

清江夜雨

枕畔燈前夢不成暗風吹雨助濤生故園竹下
蕭蕭聽不似清江此夜聲

閱元微之集有醉題詩十二首舟中枯悶

無聊悉爲和之因寄所知

不惜歌喉接曉雞此時消得醉如泥無端酪酊
三杯後自訝新來酒戶低先醉

客帆搖曳向清淮回首同人各一涯不願獨醒
翻獨醉醒來無事可安排獨醉

鼕鼕畫鼓報船開紅日穿窻困眼迴非是酒醲
成宿醉自緣情少怯深杯宿醉

透船明月照空觴未敢將心縱酒腸借問醉來
何所懼懼他清夢不還鄉懼醉

三杯自勸只醒然燈影濤聲共一船羨殺舊時
花下飲玉山頽向玉峰前羨醉

生平痛飲復何疑月下花前少定期一自別家
難取醉依稀憶得惠山時憶醉

儂病自知非爲酒病來如與醉相讐何當家釀
持爲藥醉倒春風病亦瘳病醉

十里梅花鬪早春一庭松月更清真此時不飲
寧消得擬乞閒身作醉人擬醉

浮生三萬六千朝何苦歡娛換寂寥人言酒是

寶齋集 卷八
銷愁物試取愁來爲爾銷

勸醉

止酒陶公漫自訶劉生荷鍤也從他明朝決策
抽身去白眼長酣柰我何

任醉

甕頭春酒誰同醉吾弟休文近結隣憶自野夫
投世網不知充替是何人

同醉

金谷千花擁綠珠醉來甘自命狂奴于今獨酌
狂何似高詠新詩擊唾壺

狂醉

阜平道中戲嘲山民

一望平沙地有餘疏泉決石便堪鋤閒田好種

無人種笑殺山農嬾不如

代山民答

半菽充厨飽卽餘山田堪種不教鋤老農自嬾
君何健六月長驅冀北車

戲嘲山民

築堡山頭號備胡時遭縣尉一追呼平生不擬
黃金印辛苦經年自荷戈

代山民答

清時未免荷戈勤也向蒼崖領白雲世路風塵

寶齋集 卷八
君自見可能回首北山文

清涼石偈

何年厓畔臥頑石奔走愚夫繭足尋那知秘密
清涼藏不在臺山只在心

山寺見芍藥花

誰破深山六月寒數枝紅葉映朱闌應憐游子
拋家去償與春風一度看

定州道中

長隄雨過暗塵銷垂柳千行陰板橋最是此時
情不惡尚迴鄉夢入蘭橈

送王季中

客子翩翩散五陵尊鱸秋興正堪乘那知回首
風塵裏猶有未歸張季鷹

此去不妨仍隱豹舊遊何日更登龍與君心擬
相逢地鴈宕雲邊第一峰

君歸彩服過庭時倘問菰蒲舊所知爲道十年
京洛客素裘猶幸未爲緇

送何無咎

寶齋集 卷八 五
殘月猶堪盡一卮西風况是別離時長安塵土
難畱客莫訝梁鴻賦五噫

楊柳蕭蕭覆荻花灞陵亭外問歸槎今朝相送
還相望一片寒雲接永嘉

塞上謠

虜帳千羣控北沙黃雲白草動鳴笳洮州入犯
雲州貢誰道胡兒是一家

少婦年年嫁虜營穩眠氊帳駝輕雲中城裏
三千戶半與胡人敘舅甥

考鼓縱金制府開萬人齊擁氣如雷放衙長日
無餘事隊隊胡兒受賞廻

眼看金寶向胡中月餉消磨到骨窮主將不知
枵腹苦曉來催赴築墻工

幕府春風客曳裾馬頭光彩有誰如轅門將士
吞聲問曾乞中朝大老書

萬里無烽戍甲閒秦城空自壓千山重門不下
葳蕤鎖怕有胡人夜叩關

昨夜關頭胡騎囂朝來市罷散空旄可憐漢地

寶齋集 卷八
黃金賤博得邊城馬骨高
身沒胡庭廿載餘屠酥長醉臥穹廬南雲亦自
時回首聞道中原未可居

送王侍御之關中

秦川遙見使星高况復才名起佩刀胡虜只今
先破膽秋風不敢近臨洮
勅護西南塞上夷轅門日夜望旌麾從今天馬
來西極不用軍前拜貳師
薊門雙騎快凌秋秦地寒雲想獨愁夜夜栢臺

天似水不知誰與唱涼州

韋公寺海棠

東林小徑漸成蹊雨後重來花已齊忽憶故園
春未老一枝斜臥曲池西

寶菴集卷之八

寶菴集卷之九

吳郡顧紹芳實甫著

序

寶菴集自序

嗚呼士欲操鉛槧而圖不朽難言哉必高才足以命世必少氣盛縱橫無前必窮慮殫精蚤作而夜思夫然故天與人交致而傳可幾也此三者闕一則弱闕二則廢故邈矣數千載之間代不乏人人不輟業其爛然施於後世者屈宋

班馬十數公而外寥寥焉豈不以叅合之難故
耶然竊覩於今世之作者其人塞塗其集充棟
又何晚出而愈盛也彼其魁然而稱鉅公者吾
不敢論吾游京師進而交于名士大夫退而考
述山人處士之業大抵實不中聲賢者或奇衰
詭僻而以為高其不能者剽襲抑割而強躋其
列又甚者假以徵逐附麗為名而已矣故以今
之作者與古之作者衡而校之其高者什不當
一其下者自不當一此其人豈復待後世哉將
及其身而煙銷景滅隨之甚哉文之難言也余
以椎魯困於制舉之業者垂二十年而少羸善
病頹惰自廢於前所稱三者無一焉而自准已
熟不願有人間名於後所稱隨俗詭世之習又
未暇也然以平生頗知好古每覽前世能言之
士欣然有執鞭之慕把誦其文輒三復不能自
休而釋褐以來典在筆札又不獲以不能辭乃
稍討尋其業顧懶與冗會亦不數數為也萬曆
九年秋以請告還因料檢篋中積之五年而得

諸體詩凡若干首文凡若干首其有倉卒酬對
或諸館閣先生命代牽率無意義者削之諸生
時存稿若干首以其私習於俳偶帖括之中其
志有足觀者并附著之而命之曰寶菴集寶菴
者何采老氏三寶之義以名吾菴遂以名吾集
焉嗚呼余上不敢希金石之圖而下不敢窺世
俗之好是余之集既不足傳於後又不能徵於
今徒可藏諸菴中時以休暇出一篇讀之自娛
而已辛巳秋九月戊辰顧紹芳實甫序於寶應

舟中

南畿貢士序齒錄序

代

萬曆壬辰南畿當貢士先是郡國歲貢士率以
受餼日月爲序士旣老於黌校甫獲薦輒就選
人去爲諸生博士沒首章句以故兩都成均學
舍爲虛 國家空糜廩食豢士至老莫覩其效
所養非所用識者惜之於是 上從禮官議下
郡縣每貢士率以四舉一選名實參錯淹速合
度其法最爲折衷且深詔執事者校必嚴選必

慎務得茂齡好修之士而薦之升于成均增修其業以庶幾 國家異日之用蓋德意甚盛不佞承乏督南畿學寔首茲役受 命之日中已飲冰焉夫校士非糊名易書不嚴業已糊名矣安所問年且不辨其人安所問行竊又思之 國家每三歲比士不糊名哉比徹圍士入彀者大抵多茂齡與平日好修之士也蓋舍稅業而論士何塗之從而可則有加嚴與慎而已於是合諸貢士三千有奇四試之按舊額錄一百二

十有六人事既竣以次延見則皆英英俊髦問之諸博士又多皦皦自好者不佞心自喜曰孰謂稅業不足以見士哉雖然今誠論年而世所稱不更事者非少年也耶誠論行而他日壞之於廷者不嘗修之於家者耶然則豈惟文不足以盡士卽英英皦皦士亦未可恃也夫士方窮時履真而守素類能以意氣標植及其所之旣倦榮辱當前利害居後則繭然衰焉故鳳翰而鷲鳴玉表而石裏卒爲天下笑此士不足恃之

效也今諸士行且上公車試 大廷高者乘風
 雲都膺顯次不失結綬秉鐸其寄豈輕也而其
 交為榮辱利害天下亦將於此乎觀士士自以
 為可恃者安在士自以為有可恃然後天下可
 恃以信士庶幾異日於 國家所養所用毋相
 負也不然諸士縱不自好乃執事者其何以塞
 明詔不佞滋廩廩懼矣故事貢生序其齒為錄
 謁序不佞不佞以一日之長故為宣 上德意
 以風厲之

賀邑侯邵陽劉君三載攷績序

劉應龍字在田
 邵陽人萬曆九年
 辛巳以進士知崑山
 縣有賢能聲在任
 五年擢監察御史
 終南京太常寺卿
 見名宦傳

昔者嘗讀班固書至循吏傳可異焉當文景恭
 儉孳孳治理至孝宣尤號綜核吏爭奮于循良
 而所書僅四五公亦寥寥矣同時若趙尹韓張
 令行禁止一切政聲流聞不亦愉快而勝其任
 哉而班史猶靳之何也太史公曰奉法循理亦
 可以為治何必威嚴哉以明吏之所稱為循者
 固在此不在彼矣夫朝家眾建庶職以馭人羣
 非欲使法勝之將安之也則柰何以能吏尚循

莊子聞在宥天
下不聞治天下也
在宥者恐天下
之淫其性也宥之
者恐天下遷其
德也不淫其性不
遷其德有治天
下者哉

吏乎方今明主在宥垂思化理良吏之興於
斯爲盛然而驚名卓詭之士亦徃徃參半其間
以獵華膺必且尋聲而考實則其的然可以循
吏稱者庶幾吾崑之劉侯其人也崑故壯邑歲
比大侵民用顛躋若罔攸措侯始至怛然興懷
圖所以衽席吾人者則曰民貧莫若拯之以儉
俗敝莫若填之以寬吾知所以造崑矣蓋所建
置非一大抵因民之欲與之休息寧節而簡毋
縛而汰寧緩而慈毋疾而苛寧清淨而理毋興
作而擾寧縮吾材以休吾民毋役吾民以炫吾
材寧不得譽于上官毋寧得過於匹夫孺子非
獨其擇術審而操行端其豈弟篤誠亦天性也
然徃時當事者好峻其文罔以求監司監司亦
務峻其文罔以求有司有司惡得不峻而求諸
民海內吏治捷如風靡競以刻急譌僞相高而
侯獨居之自若也以是侯之治狀獨其邑之士
民能頌稱之而監司者未必悉也甚者摘其瑜
以爲瑕飾其似以爲真齟齬而摧折之而侯亦

泊如弗聞也者則循吏之不勝能吏豈又其勢然哉自頃 天子益明習國家事更置一一大臣數下寬大詔書監司務究宣德意迺始喟然考覽羣吏斲足以稱塞明詔者逡巡得侯若恨其晚而侯尋以三載績當報政矣夫班史載循吏著者宜莫若黃次公當是時俗吏尚嚴酷而次公獨用寬和爲名卒以是受知人主方其違衆自是見謂闊迂豈有意逆睹後效覬覦立名者豈弟君子仁心爲質寧必爲此不爲彼固非俗之所能易也侯之聲迹大類次公而遭時當過之今且上牘天曹天曹最而上諸 天子天子方遐思悃悞之軌必首褒侯以視海內海內之興於循吏自侯始其超軼漢代何疑哉余承乏史官惜其文詞不逮孟堅無以張大侯之治行而姑因太學諸君之請爲稍序其聲實以俟他日載筆者云

贈李大將軍封寧遠伯序

代

方今諸邊大夫譚名將者則人人目李大將軍

云而頃之虜闌入塞大將軍遣別隊扼其前而
身自將精騎疾走數百里薄虜營所殺鹵過當
首功至八百大司馬上書言狀 天子封大將
軍寧遠伯矣而周中丞以書來曰此疆場之盛
事而不佞所藉寵也願公一言以鳴其盛蓋異
時玄菟樂浪之間嘗數中虜虜小入卽小利大
入卽大利余私徵其故則言諸將聞虜至人人
稱按伏提一卒居亭障間名雖禦虜實若避之
及得所欲去乃徐起鈔其餘騎以一二首功上

幕府橫覲恩賞以是虜益無忌歲輒入入輒得
所欲有輕中國心故議者謂不一大創虜未肯
遽心折去當是時天下爭言世無衛霍遂令虜
得至此而自大將軍李侯操闡于今垂十年其
所當虜小大可數十戰累俘馘以萬萬計 天
子爲數下璽書加秩任子裏蹄蟒繡之賜府無
虛月三公號爲穹階名卿碩輔所逡巡而避之
者 天子不難以旌李侯若乃世躋承平剖符
儋爵越在先朝寔惟曠典而李侯身際其寵足

使鷓冠吐氣貌伍生色於乎豈不盛哉然昔者
嘗怪李北平生值漢武才氣少雙同時起裨校
取通侯者才徃徃出廣下而廣竟不封史氏歎
惜以為數奇乃其僂降追恨憤懣自裁故非大
將器也衛霍驟起行間貴震天下雖曰天幸然
毋擅殺毋薦士毋治第宅其為將如此何渠出
北平下哉余雅知李侯武勇饒知畧有長平冠
軍之風帳下畜死士千人與其最下者同甘苦
尤長于料虛實制勞逸凡所籌畫咸中虜情以

所謂東單于者豈
即今之本朝與

故所鄉克捷至其精忠天植事不避難每遇敵
橫戈躍馬身先士卒軍中自是服其勇也夫漢
武方事四夷不愛高爵以招徠武勇列通侯者
多至數十人而衛霍以其時得之誠錄錄亡足
異今 主上曠然以明德臨照中外不貴遠畧
西虜方交臂受事士欲策勲蒲類燕然之間者
幾無所效之蓋環塞外所不賓者獨東單于耳
而大將軍復以斯時搗其巢穴誅其桀驁以仰
稱 天子鋤兇獎順之指而建封侯之業其事

誠烈而其遇亦以奇矣此何論長平冠軍爲人
主關地廣欲抵隙投間而成功名者哉夫士患
不材武材武矣患忠不篤而氣易衰材武矣忠
篤矣患生不逢時汶汶以老今以大將軍忠勇
而遭千載之一會 天子明聖在宥勤於萬幾
垂思邊計念東鎮歲苦虜自將吏以下勞賜豐
于諸邊大將軍功狀朝白而裂土之命夕下雖
大將軍不以其故益勸顧亦安能不益勸哉是
役也中丞公與大將軍寔共事而其書詞專推
功大將軍欲侈而張之文武輯睦欲無捷得乎
是可書也

贈保安守劉大夫考績序

昔我諸父太僕公在嘉靖間以直言謫保安爲
民其子孫至今附籍爲州諸生而其孫畱餘每
從塞上歸輒爲余言州守劉君之賢也蓋保安
當上谷地介在虜境戶口稀少軍興不時當虜
未款胡馬朝秣而夕叩關呼吸變起則應猝之
難頃年以來虜餌我貢市赤羽稀發封疆之吏

見若緩帶而士非加練也供億非日省而閭閻之氣未蘇也則保終之難夫難在敵敵可愚也難在我我可以自愚乎應卒之難一旦事過而弛然臥而已耳保終之難憂不在目睫慮不在旦晚兢兢焉常以全術制其後此非仁明博達之君子亦烏能勝其任而愉快乎蓋東牟劉君之守是州也日孳孳顛其利病而興罷之民之些窳者獷弗若者餓者寒者困拳桎者劉君則疏雪覆育各如其意乃已土之沮洳者曠弗耕

顛音講明也

者耕而沒豪右者城堡之闕者圯者備弗飭者劉君則爬剔整庀各得其職乃已而又以其間喟然歎興於學飭黌宮進弟子員時程督之士用斐然易觀故自劉君之政成而州之人一以為父母一以為師保甚者尊而頌之曰神明而及其三載報政自督撫而下覈君治狀皆曰賢上之銓曹覈如大吏指又曰賢 天子亦且俞銓臣議旌君若隱然寄一方之重於君者蓋自頃 天子軫疆事之難惓惓欲慎簡守令相與

寶者集 卷九
共圖保終之業而又命督撫大臣歲一行部
用以振起吏治而君適著聲邊圉之間仰稱
上使他日天子之所以寄君者豈直一州而
已也蓋余前聞君之畧得畱餘而悉君然畱餘
能道君之今日而余遂知君之他日要以聖
主德意所嚮桴鼓相荅當必有能臣傑士起而
應之安知君非其人也因學正某之請而
序其說以授畱餘使爲君焉

送實甫張年丈守吉安州序

江都章君與余同年舉進士已同隸御史臺曰
觀政其實亡所事事自升散外則相與縱語上
下歡然竟日而章君於其間闔爽樂易練于事
而老于材益余隸臺中裁彌月而去其邁章君
僅數四而諸習章君者大親之爲余言若是嗟
乎卽諸君不言而余數四邁章君固私存之久
矣迺章君以高第被選爲州大夫得浙西之安
吉州余宗人有吏于安吉而歸者言其賦繁俗
敝民狡而善陷文罔其甚者不足謀其生輒去

而爲盜故其犴狴充斥而犬吠時警蓋輦感久之以爲難治而余竊非之以爲民亡不可治者自明興道化翔洽邊徼絕遠之都雜以羗夷獯蠻皆頽首帖耳共職貢稟教令而況湖在東南彬彬號爲文明之區者乎且不見夫潁川之好訐也渤海之稱亂也而一良吏綰之風靡俗革捷若父兄之令子弟而湖於何有雖然吾不得以責吾宗人也彼丞倅小官鮮能被濯以有爲者萬有一人焉翹然思被濯以有爲矣而上弗任也下弗信也且職有專轄州之事不獲徧問也則亦局束以止於戲韓長公龔少卿之績是不責在長吏乎哉今州大夫秩五品以刺史令從事州大者邑多至六七士一旦釋躋褐而爲之數百里之地與其人可瘠可肥可生可殺靡弗手制其命而州大夫以進士高第往者監司部使者有加禮焉其志易究而教易行也安吉信難治乎而章君故闔爽而樂易練于事而老于材苟竟其勢之所得爲者吾見安吉之賦集

而民不知閭里恬愉而囹圄日空桑麻被野而佩刀劔者轉而牛犢也即如是安吉信難治乎亡異以盤根錯節別利器者也何足難章君哉假令韓長公龔少卿二子非潁川渤海其殊尤絕特之材世何繇覩之而史何繇傳之故安吉之為章君地也甚矣諸君曰吾始亦為章君難之微子之言吾不及也甚哉安吉之為吾章君地也子裁數四遘章君而遽得其人又并得其與日之政章君聞斯言得毋聽然而笑曰顧生

送伯龍張年丈令臨淄序

知我者乎其書之以為送章君序紹芳曰諾余始讀春秋攷覽五霸之業齊桓為盛當其時四方之諸侯聘問交於其廷五家之兵出國門而無敵於天下蓋其治都實臨淄云所謂海岱之間一都會也而蘇氏所為說六國者其言尤大以肆云臨淄之中七萬戶戶可得三男子鳴琴跼屣之徒無筭臨淄之塗車轂擊人肩摩連袂成帷揮汗成雨此豈猶桓霸之餘烈哉然

跼音帖史記貨殖傳為娼女子則鳴琴跼屣註踊跟為跼優

自嬴秦列爲郡縣而臨淄遂無聞至今將其地盛衰之數固然乎予同年故絳張君被選爲臨淄令齊中士大夫之宦於朝者頗言其民朴而易治其豪華庶饒亦不能當古十之三所謂洋洋大國之風者幾虛語耳夫張君充然其貌惇厚而通敏其材老于事而其智晰于情假令臨淄如古都會時地大物衆以張君蒞之猶易于游刃矧其民朴而易治其豪華庶饒不能當古十之二者乎張君之辨臨淄也何待報政而決

哉雖然臨淄當桓伯時其地特重于天下而其民爲管氏所愚好則共玉帛怨則荷戈及竟老役于公家而不遑一日之休閒以寧其生又降而六國內有大俠食客以腴其脂膏而外有虎狼之敵以殘其首領臨淄信重地乎迺其民亦重不幸耳矣方今海內晏如四荒樂業而臨淄在山東不稱綰轂之道天子方彰明化理慎簡良吏如吾張君者撫摩而噢咻之其民生而壯壯而老目不識兵革而自足于畝畝桑麻魚

押當作裨音

襪祀同俗讀
莫大謬

鹽棗栗之利其士皆彬彬然挹鄒魯之遺風而
不搖于押闔傾邪之口於乎何其幸哉卽吾張
君雖若不植盤根錯節以捷示其器而得省其
簿書送迎之勞專精一志以布宣條教煦嫗里
閭流聲實于天朝而休美垂於來襪如兩漢
循良之爲者獨非其幸與張君故以春秋舉其
於齊事良習而又晉人也齊晉相望蓋當春秋
時兩國之君迭爲盟主民俗往往相類臨淄之
故事君所知當有進于予者爲序以問之且以
爲別

送善甫李年丈之臨海序

今主上冲聖加意吏治數用璽書風厲海內
士大夫亦翹翹嚮往其以循良高第徵者幾滿
闕下於乎盛矣顧余私竊覽觀今之所稱循良
其誠古之循良也與哉上下頗以簿書期會相
緣飾而通敏之士一切取爲治辦甚者捷逢迎
而徼齒頰睹厥聲迹亦彬彬質有其文武焉其
悶悶淳淳與俗休息寧爲鸞鳳母爲鷹鷂者世

有其人乎卽有之未必以悃悞見優異也藉令黃潁川朱桐鄉之徒與今之君子競于聲迹之間予必知其殿矣雖然士方居約時睹長吏失職閭里歎息愁恨之聲必且心口相語以爲異日出爲世用寧使夫人至於此而今一旦幸而蒙有司拔擢之儔伍之中而授之以民社之寄矣豈其舉疇昔之志而弁髦之必不然矣今臨海令吾同年李君善甫也李君故吾郡人方共釋褐時握手歡甚已而試政于御史臺又同道

礪音數實也
又刻也

也相與聯騎出入接膝而譚者彌月以是知李君爲深君持議不務爲礪礪恂恂乎爾也然遇事確實有操行又能必達其志吾固謂李君之爲人甚哉有似乎古循良也今吳越之鄉號稱難治賦多而民貧俗悍而獄繁非得良吏爲之噢咻撫摩東南根本之地其慮豈輕也且以世之所稱爲良吏者往亦第能立聲迹階通顯而已其於根本之慮何當焉而今銓曹適以臨海命李君豈李君之貌如其爲人主銓者遂一再

見而決哉李君誠無改於其道衆以察察吾獨
淳淳衆以赫赫吾獨悶悶要以母急一時之名
而坐進於古循良之績顧不休與蓋予觀古穎
川桐鄉之治其事不過米鹽蔬果陂塘畦圃之
間能者往往見謂煩瑣不足視其長而不深惟
閭閻之疾苦自非恂恂確實如吾李君者其疇
屑爲之而亦疇能爲之於乎士大夫交遊間率
以立聲迹階通顯相稱勉而予於李君獨望以
古人之事頗自笑其迂且拙雖然其人是矣苟
非其時則其果不遇也宜也今李君負其近古
之資而生當 聖天子彰明化理之日行將舉
漢代之綜核最悃悞而殿虛華必首褒李君以
視海內又安知吾說之果迂而拙也若果然卽
余不文請以異日具李君治行爲傳俾與穎川
桐鄉鴈行而稱賢不亦愉快乎哉同年生自胡
君以下咸喜曰傳李君者其事乃在異日子姑
徐之祖道之詞今茲請以屬子顧生唯唯遂序
之

送國聘費年文僉憲四川序

吾同年生之得按察外藩也自費甘兩君始而國聘尤年少負俊才然其爲人洞坦不立城府其遇事不爲媵阿兩可而亦不喜爲刻深與之居久而益知其善人君子也初自秘書出爲給事中人謂國聘以彼其材宜持橐簪筆以奉

主上清燕者也其爲封駁糾繩之任則恐有所不宜迺國聘顧甚宜其官人又且謂必長侍禁近以佐天子明目達聰宜亡逾國聘者居亡

何而四川之命下矣人亦有言古之仕者爲官擇人今之仕者爲身擇官以中外殊親疎以劇易殊雅俗於是便文自營之士不能無擇擇亦不能無失得而欣戚生焉雖然古亦有不必要爲身而擇者汲長孺之於淮陽蕭長倩之於馮翊豈其有所薄之彼其中心誠結于明主朝夕禁闥補過拾遺欸欸懇懇良臣之用心固若此也今僉事于秩大夫不爲卑於職得佐其長以三尺繩若屬不爲輕而國聘舉進士僅五閱歲同

時諸生匍匐州縣守宰而國聘儼然用監司臨之僉事之於官不薄矣而况吾國聘亦豈薄僉事不爲者也顧以吾黨之士日相與握手下上五載于茲肝膽肺腑聯而一之國聘越在萬里追惟舊游其亦有離羣索居之感乎此猶其小者也念國聘始從諸生受詔讀秘書至煩太官爲給饗膳尚方具筆劄及其給事黃門旦夕侍上有所糾論建白輒見鄉納上恩侈矣茲行也顧瞻闕庭悵焉興懷揆之人情其有不

釋然乎况以吾國聘雅意在本朝者哉雖然國聘以爲嫌于爲身擇官弗獲如長孺之不拜長倩之自言也夫任不問中外職不問劇易要皆以幹理國事弼宣王風東西南北惟天子之命矢志不貳以蘄稱厥職在外猶在內也僉事巡一方所轄郡若州縣以數十計士誠有志表樹比于京朝官旅進旅退其勢豈不便哉以吾國聘之材敏與其志其治蜀也未有不迎刃者也蜀治而國聘有所藉手以報主上矣卽吾

寶齋集 卷九
黨居平相與之誼豈惟徵逐援引之勤勤而已
第令國聘治蜀而蜀治也是有榮施于二三兄
弟卽曠然萬里未嘗不若比閭而處接席而譚
且也 天子方爲官擇人超軼漢世國聘業已
更治民有效矣他日選求明經好古通于幾微
謀慮之士以爲內臣與參政事非吾國聘而誰
國聘縱不自言以方汲蕭二子所遇伯之行矣
勉旃二三兄弟且拭目以觀治蜀之政矣

送子開廿年文擢僉閩憲序

丁丑南宮之試余以春秋從永新甘子開氏舉
于黃吳二先生之門握手相得驩甚也已又與
子開讀中秘書子開翩翩雋才爲文清美立就
已恂恂如也人目子開文彘士耳及子開爲侍
御史侃侃有威嚴聲督漘長蘆不擾而課最於
是又知子開之才敏於爲吏也今年二月子開
擢閩按察僉事造余別而言曰以不穀之不能
於官也一不任爲翰林而御史余則御史自爲
也再不任爲御史而僉事余亦將僉事自爲也

夫爵祿余者君也福澤余者天也君命之天制
之余何辭焉且余三不任之是懼而敢他虞乎
子盍有以命我余獲幸于子開最深初聞子開
當遷而別爲低徊不自懌及是乃始舍然大喜
今夫仕者之驚于進也若兒子之嗜飴餌極厭
不止去者不必忘而來者日益進憧憧于得喪
榮辱之林而幾其秉德一慮爲天子熙績阜
人是撓波而求澄也今子開爲侍御若忘乎其
翰林也爲僉事又若忘乎其御史也奉主之

詔聽天之命以斯慮從事事焉所弗任哉且子
開之爲御史其不坐以不任明矣今朝廷清
明內之百司廩廩奉法而獨郡國長吏自簿書
期會之外鮮稱上意明主哀愍百姓澤不
下究用漢世故事選諫大夫御史明經術通政
事者出爲監司以飭吏治乃以子開往以爲御
史地亢而疏于民權尊而壅于郡縣監司日蒞
其土以整齊其條教而撫摩其人其於民稍親
而郡縣之情易得也故御史之得職自監司始

然則有御史之尊而無其疏且壅者僉事也子
開爲其疏且壅者業有效矣自北而閩其俗益
以宜其職屯鹽其事益以習其勢又加親焉其
有不效乎雖然子開猶瞿然自以爲不任於是
又知子開之志加于人一等矣審於義止於命
其不驚於進審矣夫仕者驚而得之夫亦君之
靈也天之澤也非以其驚也世固有驚而不得
者矣驚者不必得得者亦不必驚他日子開位
益進任亦益大有稱不驚而得之者必吾子開
也



